

nunc habet et habere poterit in futurum et quas habuit a tempore nostri adventus in Marchia manuteneri debeat et servetur illesum, ita tamen quod ex presenti privilegio nostro nulli alii preiudicium in suis iuribus generetur. Item quod clerici omnes regulares et seculares cuiuscumque religionis, in Rocca et eius districtu morantes, libere possint in eadem terra et suo districtu morari et ab omnibus obsequiis sint immunes et ad celebrandum divina per officiales curie nullatenus compellantur. Item quod statuta omnia et ordinamenta comunis eiusdem facta et inantea facienda inviolabiliter observentur per curiam nullatenus infirmenda, dummodo non sint ad depressionem iurium curie vel aliter contra honorem regie magestatis. Item quod comune Rocce in exercitum extra Marchiam exire non debeat ac morari, nisi per viginti miliaria proxima terre predictae. Quando vero mandaretur eidem, quod certam mitterent militum seu peditum quantitatem in exercitum supradictum, liceat tunc eidem comuni mittere forenses solderios vel de terra, quos voluerint destinare. Item quod obsides aliqui de Rocca per curiam de cetero nullatenus extrahantur. Item quod ad mandatum curie ambassatores vel aliqui nuntii de Rocca trahi non debeant, nisi quos comune eiusdem terre duxerit eligendos. Item quod prime cause, tam civiles quam etiam criminales, in curia Rocce cognosci possint de cetero et decidi. Item per presens privilegium notum facimus, quod alicui comuni seu speciali persone contra predictum comune per aliqua privilegia nostra nichil duximus concedendum, salvo in omnibus supradictis mandato et ordinatione serenissimi domini nostri regis. Unde ad futuram memoriam et ut predicta omnia vobis sint perpetuo valitura, presens privilegii nostri scriptum vobis inde fieri fecimus sigilli nostri robore communitum.

Datum Esii anno domini millesimo 259, 5. Martii 2. indictionis, regnante serenissimo domino rege Manfrido dei gratia inclito rege Sicilie, regni eiusdem anno primo, feliciter amen.

S. Paolo fuori le mura bei Rom.

Der folgende Befehl Lothars III. an die Gemeinde Fiano, sie solle unter ihre rechtmässige Herrschaft zurückkehren, diene offenbar den Interessen des römischen Klosters S. Paolo fuori le mura. H. Bloch, der den Brief in einem Codex des Capitellarchivs zu Novara fand¹,

1) Abschrift des 12. Jh. auf den vorgebundenen Blättern des Codex 34 im Capitellarchiv zu Novara, fol. 3.